

Časopis Bosniaca - dokaz kvaliteta bibliotečke logike u Bosni i Hercegovini

The Journal Bosniaca - the evidence of quality of library logic in Bosnia and Herzegovina

BOSNIACA : časopis Nacionalne i univerzitetske biblioteka Bosne i Hercegovine god. 13, br. 13 (2008)
= BOSNIACA : Journal of the National and University Library of Bosnia and Herzegovina Vol. 13, No. 13 (2008)

Gradimir Gojer

Predsjednik Društva pisaca Bosne i Hercegovine / President of the Association of Writers in Bosnia and Herzegovina
Sarajevo, BiH

Posljednji broj časopisa Bosniaca, djela Nacionalne i univerzitetske biblioteke Bosne i Hercegovine (13), koji je koncem prošle godine ugledao svjetlo dana, nosi obilje kvalitetnih sadržaja (Bibliotečko-informacijski sistem, Biblioteke u BiH i u svijetu, Kulturno naslijeđe, Događanja, Prikazi i Prilozi).

Ovaj časopis je, kao apsolutni "incident" u najpozitivnijem smislu, jedan od rijetkih u Bosni i Hercegovini sa dosljedno provedenom koncepcijom, od prve do posljednje listine, možda najuzornije uređivan časopis, kod nas.

Doktor Ismet Ovčina, kao direktor, i magistar Amra Rešidbegović, kao urednik, trude se da, uz angažman na plasmanu istina o Nacionalnoj i univerzitetskoj biblioteci Bosne i Hercegovine, časopis u svakom broju, pa i ovom, donese čitav niz tekstova o dostignućima bibliotekarstva danas, u svijetu i kod nas...

Časopis obuhvata, što je posebno značajno, ona svojstva suvremenog bibliotekarstva koja proizlaze iz suvremenih tehnologija primijenjenih u logici bibliotekarstva, iz nevjerovatno preciznog registra formi i oblika automatizacije i digitalizacije sustava, kojim se ovovremene biblioteke služe...

Nacionalna i univerzitetska biblioteka BiH i ovim brojem časopisa Bosniaca osnažuje logiku suvremene, krajnje argumentirane borbe za dignitet biblioteka kod nas, a to praktično znači za dignitet bosanskohercegovačke kulture uopće!

Zato ovaj broj Bosniace smatram uzornim u odnosu na časopisnu situaciju kod nas uopće, uredništvu, menadžmentu, a posebno autorima, svakom ponaosob, iskreno čestitam!

